



Die Wapad

SAWA Oos-Kaap



Willows Mini-gebied – Oktober

2014



Kerskamp – Van Stadens November
2014




Mangoldspool – Desember 2014

06/12/2014 10:51



INHOUDSOPGawe



| | |
|---|----|
| UIT DIE WORD..... | 3 |
| VOORSITTERS VERSLAG..... | 4 |
| REDAKTEURSBRIEF..... | 5 |
| LIEF, LEED & SIEKTE..... | 6 |
| IETS VIR DIE LAGSPIERE EN EREKODE..... | 7 |
| WILLOWS MINIGEBIED..... | 8 |
| ALGOA FM BOARDWALK BIG WALK FOR CANCER..... | 11 |
| KERSKAMP VAN STADENS..... | 12 |
| SAMREC..... | 15 |
| KERSKAMP FOTOBLAD..... | 16 |
| MANGOLDSPOOL..... | 17 |
| PRAYER & SAWA SE DANKIE..... | 19 |
| LIEFDESHOEKIE..... | 19 |
| ADVERTENSIEBLAD..... | 20 |
| NUWE LEDE..... | 21 |
| RAUTIE'S DESEMBER VAKANSIE 2014..... | 22 |
| LEDE-INDELING..... | 23 |
| VERJAARSDAE..... | 24 |
| JAARPROGRAM..... | 25 |
| SAWA STREEF DAARNA..... | 26 |

Tensy anders vermeld word daar ook van die Internet en Facebook gebruik gemaak vir inligting



Uit die Woord

Die geheim van geduld deur JOYCE MEYER (Léef Julie 2013)

Jy kan met ander oor Jesus se liefde praat, maar niks is 'n groter getuienis as wanneer jou lewe "liefde in aksie" is nie. Die heel eerste eienskap van die liefde wat genoem word, is geduld. Ons lees: "Die liefde is geduldig..." (1 Korintiërs 13:4).

Geduld is iets wat net gedurende beproewings ontwikkel. Moeilike omstandighede is daar om ons meer standvastig en meer volwasse te maak. En dit hoor ons nie graag nie! Romeine 5:3 lui: "Ons weet mos dat swaarkry ons vorm en slyp om nog meer op God te vertrou." Wagtye is 'n toets wat wys wat werklik in jou hart aangaan. Spreuke 24:10 sê: "'n Krisis leer jou hoe sterk jy werklik is. As jy ondergaan, was jou kragte maar min."

Ons lees ook in Jakobus 1: 3-4: "Die slechte dinge wat met julle gebeur, toets of julle werklik die Here vertrou. As dit met julle sleg gaan, leer julle huis om nader aan die Here te leef. Julle moet die Here toelaat om julle deur hierdie dinge te leer wat dit beteken om altyd net op die Here te vertrou, kom wat wil. So sal julle geestelike grootmense word wat weet hoe om in elke situasie reg op te tree" (*Die Boodskap*).

Om te wag is deel van die lewe. Dis vir niemand nuus nie. Daar's tye wanneer 'n mens wag op die regte lewensmaat, 'n baba, werksaanbod, koper vir 'n huis, sportkontrak,hofuitspraak of genesing...

Sonder geduld kan niemand wag nie. En dit gaan nie net oor jou ingesteldheid nie, maar ook oor wat jy sê en doen terwyl jy wag. 'n Mens wag met jou hart én jou mond.
Die wêreld is honger vir die voorbeeld van mense in wie hulle God se liefde kan sien en deur wie Sy Gees vryelik vloeи. Ons, God se kinders, is daardie mense in hierdie wêreld! Kolossense 3:12 sê: "Daarom moet julle meelewend, goedgesind, nederig, sagmoedig en verdraagsaam wees. Wees geduldig met mekaar ..."

Die wêreld "lees" vandag veel meer gelowiges se dade en woorde as die Bybel. Dis soos Paulus in 2 Korinthiërs 3:3 sê: "Natuurlik lees al die ander mense wat elke dag met julle te doen het, julle ook. Hulle kan sien dat julle lewende briewe van Christus is."

Geduld gee ons innerlike krag, daardie krag van die Heilige Gees wat deur en in ons vloeи. Soveel so dat omstandighede later nie meer ons vrede steel nie. Kolossense 1:11 sê: "God is die Een wat oor Goddelike mag beskik. Mag Sy krag julle krag word sodat julle glad nie ongeduldig word en begin moed verloor nie. Nee, staan vas en hou moed!"

Alles gebeur nie oombliklik wanneer ons glo nie. Net dié wat kan aanhou wag en vetrou, sal die vreugde van vervulde beloftes proe. Hebreërs 10: 35-36 bemoedig ons: "Moet dus nie toelaat dat daar 'n krakie in jul vertroue op God kom nie. Wie op God bly vertrou, sal 'n groot belonging by Hom kry. Julle moet tot elke prys vasbyt."

Wees dus sterk! Herinner jou gedurig aan die wonderlike belofte wat God ons in Romeine 5:5 gee: "Wanneer ons al ons hoop op God stel, sal ons nooit teleurgesteld wees nie. Want Hy vul ons lewens elke dag met Sy liefde."



DIE VOORSITTER Sê...

En so het 2014 tot sy einde gesnel. Die van ons in die onderwys sal weet dat die laaste paar weke 'n dolle gejaag na niks is.

Ek klink dalk negatief, maar as jy daaraan dink dat jou kind matriek kan skryf op die ouerdom van 22 sonder om ooit enige graad te slaag dan is dit nogal iets om oor bekommerd te wees. Die onderwysers sukkel deur die jaar om kinders te laat werk, maar as hy nie werk nie, dan kan hy nogsteeds vorder na die volgende graad, mits hy alreeds een keer in die fase gedruip het. Wat 'n klug van ons onderwys stelsel! Dit alles net sodat die Departement kan sê dat al die kinders wat in Graad R begin het, het Graad 12 geskryf. Vergeet van die Nasionale slaagsyfer, wat natuurlik met 2% gedaal het. Klaar gekla, kom ons kyk na 2015.



Eerstens mag julle almal 'n voorspoedige 2015 geniet. Aan die gereelde kampers, ek sal nie by Summerwood hierdie jaar vir julle kan voorspoed toewens nie, aangesien ek dan in Pretoria sal wees om Departementele werk te doen. Ja, ons onderwysers, werk ook in ons vakansies. Geluk aan al die matrieks wat hulle skoolloopbaan suksesvol voltooi het, mag daar vir julle 'n suksesvolle lewe voorlê. Aan al ons ander skoolgaande kinders, baie geluk met julle uitslae, mag die jaar wat voorlê vir julle ook net geluk en vreugde bring. Geniet alles wat die skool jou aanbied en neem aan alles deel, maar moet nie vergeet om te leer nie. Aan die van julle wat dalk nie so goed gevaaar het nie, onthou Rome is nie in een jaar gebou nie. Werk hard en glo in wat jy doen en jy sal suksesvol wees.

Ons is bewus daarvan dat die stygende petrolprys en rentekoerse ons maar gaan laat noustrop trek, maar kom ons probeer om so veel as moontlik van die kampe by te woon. Ons staan tans op 119 lede (gesinne), waarvan 28 gesinne, lede bo 60 jaar oud het. Sedert die AJV tot en met die Mangoldspoolkamp het ons 'n gemiddelde bywoning van slegs 33.1% gehad, wat beteken slegs 39 lede kamp gereeld. 26 lede (22%) het glad nie in 2014 gekamp nie, Nasionala praat van die sogenaamde "dooie hout". Oos-Kaap het slegs 'n gemiddelde bywoning van 30% gehad vir 2014. Kom ons probeer om die gemiddelde kampbywoning, in 2015, op te stoot na 40%. Begin sommer nou al te spaar vir die Gebiedskamp by Keurboomsrivier. Gelukkig is die olieprys beter en ons hoop die brandstof prys gaan nog meer daal. Kampkostes is egter besig om die hoogte in te skiet en dit word al hoe moeiliker om goeie tariewe te beding. Kampterreine wil nou weet hoeveel kampers gaan kom kamp voordat hulle beter tariewe wil toestaan. Ons sal binnekort die voorlopige koste van die kampe aan julle kan deurstuur.

Aan my mede bestuurslede, dankie vir die samewerking in 2014, mag die jaar wat voorlê net lekker kampe wees. Dit is 'n vol program vir Februarie, met die groot Willows kamp en die 100+ net daarna. Aan ons 100+ lede, hoop julle geniet die kamp wat hierdie jaar deur Streek Seemeeu aangebied word. Name vir die Addo kamp en die Wintertoer moet ook so gou moontlik deurgegee word aan julle bestuurslede om plek te verseker.

Aan al ons Graad R en Graad 8 leerders, sterkte met die nuwe skole en ons weet julle sal julle ouers trots maak met goeie uitslae vir 2015. Aan ons Matrieks van 2014, mag die van julle wat gaan studeer in 2015 ook sukses behaal. Onthou daar is nou nie meer onderwysers wat julle gaan "op check" nie. Aan die Matrieks wat gaan werk, of dalk alreeds werk, welkom by die grootmens wêreld. Nou sal julle sien hoe gou is daar niks oor van daai "baie" geld wat julle verdien nie.

Groete

Johan Steynberg



Redakteursbrief

Die een dag sit ek nog en probeer my werkery, kampery en "call" rooster vir die jaar uitwerk en toe ek my oë uitvee, is dit weer Januarie en 'n splinternuwe jaar wat oop voor ons lê. So waar begin mens? Ek weet nie van julle nie, maar ek het hope planne en hope goed wat ek graag wil doen, maar iewers tussen my begroting en die gebrek aan tyd sneuwel daar jaarliks 'n magdom uitstekende voornemens.



Nou dink ek... my jaar is so oop soos my skoon, leë dagboek in my sak. Vir nou gaan ek by twee projekte per maand bly. As ek so aanhou beteken dit 24 vir die jaar, wat 'n reuse-verskil gaan maak. Soos hulle sê: "Die enigste manier om 'n olifant te eet is een happie op 'n slag".

Ek hoop dat almal 'n geseënde feestyd gehad het. Ek glo ook dat almal wat die voorreg gehad het om met vakansie te gaan dit sommer baie geniet het. Julle moet asseblief julle vakansie fotos vir my stuur sodat ek dit in die volgende uitgawe van die wapad kan plaas. Voorspoedige 2015 aan almal. Ek hoop dat dit vir julle 'n wonderlike, kreatiewe jaar sal wees. Maak die beste van elke geleentheid.

Baie geluk aan al die matrieks wat hul eindeksamen geslaag het. Baie sterkte met julle toekoms vorentoe. Ek glo dat julle die beste sal maak van wat julle ook al aanpak. Baie sterkte ook aan die kleintjies wat hierdie jaar skool toe gaan asook aan die graad 8's wat hulle hoërskool loopbaan gaan begin.

Baie van ons voel dark benoud of bekommern oor die nuwe jaar. Maak Psalm 23 die gebed van jou hart en vind jou toevlug in God se belofte van vrede en voorsiening. En ek wéét: Die Here is my herder. Hy belowe Hy sal als wat nodig is vir my skenk. Hy skenk die volheid van Sy Teenwoordigheid. Hy skenk Homself. Daarom is Hy my lied. Nou en vir altyd.

Ek hoop om julle almal by die volgende kamp te sien. Tot dan bly veilig en ek hoop julle lees lekker aan hierdie uitgawe.

Groete

Ischke Lambrechts





Lief

- Johan en Karen Rautenbach se dogter Chantel is getroud
- Sanmari Kapp het gekwalifiseer as 'n lewensredder by Blue Water Bay
- Die matrieks is hul eindeksamen deur
- JJ Swanepoel deel die eerste plek in graad 9 by DP met 'n gemiddeld van 89.1%. Hy kry weer akademiese erekleure asook 6 vakpryse. Dan het hy 'n gemiddeld van 96.7% gekry vir Natuur Wetenskap asook 'n goue sertifikaat en die ATKV trofee vir die beste vordering in Afrikaans
- Edmar du Preez is gekies vir DP se leerlingraad vir 2015.
- Juandre Hall, Ruan Hall, Ernest Beneke en Rae-Jean Terblanche het almal akademiese prysie ontvang
- Zelvone Swanepoel het 5de klasposisie, 8 vakpryse, die trofee vir L.O en die veelsydigheidstrofee ontvang
- De Wet Steynberg ontvang die tweetaligheidstrofee en 'n goue sertifikaat vir Afrikaans
- Tannie Susan Smith se dogter het 'n onderwyspos in Knysna gekry en begin eersdaags daar



Leed

- Tessa Bessinger se swaer is oorlede aan 'n hartaanval
- Tannie Maretha Zeelie se susterskind is oorlede
- Charlene Slabbert se ouma is oorlede na 'n beroerte

Siekte

- Johan Fourie het problem met sy suiker en een oog gehad
- Christo Blignaut het gesondheidsprobleme gehad
- Meagan Momberg het die dokter in die Kaap gesien en sy sal in die volgende jaar of twee vir 'n operasie moet gaan
- Denise Kaltenbrunn en Marietjie Venter het albei operasies gehad
- Tania Deyzel was in die hospital met 'n maagseer
- Andy Wait was in die hospital met borspyne. Daar is 'n vernouing in een van die are maar dit was nie nodig vir 'n stent nie
- Tannie Bettie Venter was vir 'n paar prosedures
- Tannie Stenie se ma was in die hospitaal opgeneem
- Steve Lambrechts se ma moet weer vir behandeling gaan
- Tanya Hugo was vir 'n sinus operasie
- Tannie Alna Steenkamp is in die hospital (vermoedelik haar hart)





Iets vir dielagspiere

'n Jong man doen inkopies in 'n supermark en let dat 'n ou tannie hom agtervolg. As hy stop dan stop sy ook. Sy bly vir hom kyk. Later trek sy haar waentjie langs hom in.

"Ek hoop nie ek het jou ongemaklik laat voel nie maar jy lyk so na my oorlede seun."

"Alles in die haak tannie"

"Ek weet dit klink snaaks, maar as jy sal sê "Totsiens Moeder" as ek die winkel verlaat, sal jy my baie gelukkig maak.

Sy is toe by die kasiere verby en toe sy by die deur kom skree die jong man "Totsiens Moeder" en waai vir haar.

Tevrede vir sy weldaad beweeg die jong man toe na die kasiere om vir sy aankope te betaal.


"Dit sal R431.85 wees sê die kasiere

"Hoekom so baie - ek het slegs 5 goedjies gekoop?

"Ja, maar jou moeder het gesê dat jy vir haar aankope betaal."

(Ingestuur deur Oom Wouter Steenkamp)

Erekode



Hiermee verbind ek myself en my gesin tot die Grondwet, asook
Tot die Reëls en Gedragskode van die Suid-Afrikaanse Woonwa-Assosiasie
Verder verbind ek myself tot die volgende:

1. Ek sal strewe om die Christelike grondslag van SAWA te bewaar en uit te lewe;
2. Ek sal SAWA dien sover ek kan en alles in my vermoë doen om ons Assosiasie uit te brei;
3. Ek sal ons geliefde land se natuurskoon en sy fauna en flora beskerm en bewaar;
4. Ek sal poog om alle openbare geriewe en fasiliteite tot my beskikking so te benut dat ander gaste dit sonder ongerief kan gebruik;
5. Ek sal poog om in alle opsigte hoflik te wees, beleefd op te tree en bedagsaam te handel teenoor alle padgebruikers;
6. Ek sal daarop let om nie deur my gedrag die eer van SAWA te skend nie, maar sal poog om die agting van almal met wie ek in aanraking kom, af te dwing.



Oos-Kaap

Willows Minigebied

24 tot 26 Oktober 2014



Donderdag was daar alreeds 'n paar woonwaens by Willows. Die wind het goed gewaai, maar aangesien ons uitgehonger was vir kamp en kuier het dit ons glad nie gepla nie.



Vrydag het die res van die kampers na werk by ons aangesluit. Die groot tent is opgeslaan en oom Ben het vir ons boekvat gedoen. Die inbetaling is gedoen, daar is lootjies verkoop en bestellings vir die jaffelverkope van Saterdag is geneem. Daarna het almal lekker gekuier en gebraai. Spikkels het na donker by die kamp aangekom en moes so 'n paar draaie ry voordat hy uiteindelik amper op die putt-putt baan 'n plekkie gekry het om op te slaan.



Saterdag het van ons al vroeg opgestaan om die 5km BIG WALK FOR CANCER te gaan stap. Na die stap is alles reggekry vir die bak van die jaffels. Dankie aan almal wat gehelp het en ook aan die wat die verkoping ondersteun het. Dit was 'n groot sukses. Die bakkers was: Richard & Poppie Heyman, Zelda & Jacques Swanepoel, Rene Hall, Leonora Moggee, Eddie & Tanya Deyzel, Frans & Liana Labuschagne, Jackie & Willie Conradie, Charmaine & Spikkels Barnard, Vicky Weitz (sy het amper brand gestig), Benna & Marie Weitz, Stenie Grobler & Martin Botha. Baie dankie ook vir al die skenkings wat ontvang is: Maalvleis – Rene Hall & Theo Pozyn; Beskuit – Denise Kaltenbrunn; Wortelkoek – Karin Brand; Stainless Potjie Koker – Markus Pottas.



Daan en sy span het ook hul vergadering gehou. Oom Lappies het vir ons Saterdag voor die rugby boekvat gedoen. Vyf uur was almal onder die tent vir die kragmeting tussen die Leeus en WP. WP het met die oorwinning weggestap. Saterdagaand is daar weer heerlik gekuier en gebraai. Dit het liggies begin te reën. Ons het so bietjie probleme met die krag gehad, maar ons kampers laat ons mos nie so maklik afsit nie.



Sondagoggend het Ds. Rudi die kerkdiens behartig. Ons het ook afskeid geneem van oom Daan as die gebiedsvoorsitter. Ons wil net baie dankie se vir al die jare wat hy as gebiedsvoorsitter gestaan het. Dit was nie altyd baie maklik nie. Vanaf SAWA Oos-Kaap wens ons vir hom en sy gesin sterkte toe. Ons hoop hulle geniet die kleinkinders en dat hulle darem so nou en dan 'n bietjie sal rus. Willem Nel is die nuwe gebiedsvoorsitter. Daar is ook verskeie ander toekennings en spesiale plaatjies uitgedeel. Jan Hugo het 'n toekenning gekry vir sy Webblad bydrae en Tannie Luzie Scheepers vir haar Nuusbrieftjie bydrae. Mario & Michelle van der Westhuizen het 'n plaatjie gekry vir 25 kampe in totaal. Daar is ook 'n geskenk aan al die matrikulante oorhandig om hulle sterkte toe te wens met hul eindeksamen. Die geskenkies is namens hulle ontvangs deur ouers of vriende aangesien hulle tuis besig was om te leer.



Daan en Cecile Schoeman –
Erelidmaatskap



Pieter & Bettie Venter-
Erelidmaatskap



**Jackie & Willie Conradie –
180 Streekkampe**



**Peter & Leonie van
Rensburg
- 10 Streekkampe**



**Sieg & Charlene Slabbert
- 20 Streekkampe**



**Tommy & Rene Hall
– 40 Streekkampe**



**Kenneth & Lizelle Bothma –
50 Streekkampe**



**Wouter & Alna Steenkamp
- 120 Streekkampe**




**Steve & Ischke
Lambrechts
- 40 Streekkampe**

Die wind het vreeslik gewaai en die mense het maar begin afslaan. Dankie aan al die kampkommandante en lede wat gehelp het met die op- en afslaan van die tent. Dankie ook aan Zeldri vir die tent se bring en kom haal.

Veilig sleep tot volgende keer.

Groete

Richard Heyman






Algoa FM Boardwalk Big Walk for Cancer

25 Oktober 2014

SAWA Oos-kaap het hul deel vir kanker gedoen deur aan die stap deel te neem. Die begunstigde hierdie jaar was die Igazi Foundation. Die fondse wat ingesamel is gaan gebruik word om Dora Nginza se onkologie eenheid oor te skuif na PE Provinciale Hospitaal. Dit was 'n heerlike geleentheid waaraan die hele gesin deelgeneem het. Ek dink vir die kinders was die hoogtepunt die King Cone roomyse wat langs die pad uitgedeel was.



Groete
Ischke Lambrechts






Oos-Kaap

Kerskamp Van Stadens

13-16 November 2014



Eerstens wil ek net aan God al die eer gee vir 'n heerlike naweek. Meeste van die seniors het al van die Donderdag af in die reënerige weer begin te kamp. Daar was elf van ons en twaalf seniors in opleiding (wat nog nie daar was nie). Ons was geéer om die teenwoordigheid van Cecile Meyer te hê na 'n lang afwesigheid. Donderdagmiddag het ons lekker tee gehad en die aand na boekvat wat deur my behartig is was dit die heerlike aandete wat uit Chinese kos bestaan het. Ons was so 21 in totaal. Dankie aan Wouter en Frans vir die voorbereiding van die bestandele asook vir hulle hulp met die kook daarvan. Wouter het vir ons die tafelgebed gedoen en ons het so lekker geëet dat daar byna niksoorgebly het nie. Die aand was nogal iets anders, maar definitief baie lekker.



Die Vrydagoggend is al die seniors deur Sawa uitgenooi vir ontbyt by Hunters Retreat hotel wat heerlik was. Liana het aan die senior burgers wat gereeld die kampe bywoon 'n SAWA 2015 almanak geskenk.



Na die heerlike ontbyt het almal 'n rustige middag geniet. Dit was 'n heerlike warm dag. Die ander kampeeders het stadig maar seker begin om in te kom. Inbetaling is gedoen en daarna het Karen Rautenbach en Lee-ann Bothma vir ons boekvat gedoen. Daar is ook looitjies verkoop vir 'n pragtige vrugtekoek wat deur Judy Botha geskenk is. Daarna het almal heerlik saamgekuier rondom die braaivleisvure.

Saterdagoggend het al die voorbereidings vir die kersdiens van die middag begin. Die kersboom is opgeslaan en geskenke is uitgepak. Ons moes bietjie improviseer met die kersboom aangesien Zeldri vergeet het om die pote saam te stuur. Gelukkig is kampers mos praktiese mense. Marietjie het gesorg vir vermaak vir jonk en oud. Daar is waterbabbas gemaak, 'n lekkergoed pakkie asook 'n versiering vir die kersboom. Sommige van ons het lanterntjies ook gemaak.



Saterdagmiddag het Ischké vir ons die kersdiens gedoen waarna kersvader die kinders se hartjies kom bly maak het met sy geskenke. Meeste van die kinders was verheug om kersvader te sien en dan was daar van die kleiner kindertjies wat minder verheug was om hom te sien. Ons wil dankie sê aan Neil Wait wat ons kersvader was. Daar is ook geskenkies aan die senior burgers uitgedeel en ons wil net dankie sê aan Elmar en Elsabe Steyn wat dit vir hulle geskenk het. Alida en Ischke het ook kersfees klappers en lekkergoed pakkies vir die kinders gemaak.



Saterdagaand is daar weer heerlik saamgekuier. Die wind het ons amper weggewaai en dit het laataand begin te reën.

Sondagoggend het Jakkie vir ons die kerkdiens behartig. Daarna het ons lekker eetgoedjies saam met koffie of tee geniet. Die lootjie vir die vrugtekoek is getrek en Ek was die gelukkige wenner. Die volgende toekennings is ook uitgedeel: Markus en Riana Pottas het 50 streek kampe en Wouter en Alna Steenkamp het 150 algemeen.



**Wouter en Alna Steenkamp –
150 algemene kampe**

**Markus en Riana Pottas –
50 streekkampe**

Die saal is opgeruim en almal het maar stadig begin om op te pak. Namens die seniors wil ons net dankie sê aan die bestuur wat dit gereël het. Ons sê ook baie dankie aan almal wat dit 'n mooi naweek vir ons gemaak het.

Geseënde kersfees aan almal en n voorspoedige nuwe jaar.


Groete

Andy Wait

Die SAWA familie is altyd bo!



By Van Stadens kerskamp het hulle hierdie pamflette uitgedeel en gevra dat ons dit moet versprei om die mense net weer bewus te maak van die pikkewyne en die werk wat SAMREC as 'n rehabiliteer sentrum doen.



Kerskamp fotoblad




**SAWA dames was nog
nooit lui nie!**



Oos-Kaap

Mangoldspool

5-7 Desember 2014



Tannie Bettie Venter en haar dogter Wilna en gesin is die eerste karavane wat al Woensdag gaan kamp het op Mangolds om die laaste kamp van die jaar mee af te sluit. Ons was darem tien wat die kamp bygewoon het. Ischke Lambrechts het boekvat gehou die Vrydagaand en inbetalings is vroegaand afgehandel. Almal het 'n vuurtjie gemaak en lekker ontspan.



Tannie Bettie Venter was die Saterdag vir 'n procedure en sou die Maandag weer vir een gaan

Saterdag het die wind bietjie gelol en elkeen het sy eie ding gedoen soos dit hom pas. Steve en die kinders het kort-kort probeer om 'n vissie te vang. Jakkie het vir ons Saterdagaand

boekevat gehou. Saterdagaand het ons almal heerlik saam gebraai in die klein saaltjie met verskeie slaaise, trifle en poeding vir nagereg. Dankie aan almal wat bygedra het. Dit was regtig 'n lieflike aand.



Sondagoggend het Judie Botha n pragtige boodskap gelewer. Dankie aan almal vir n baie aangename en lieflike naweek. Die weer was winderig en warm Sondag.



Oom Piet en Tannie Ria –
250 algemeen

Steve & Ischke Lambrechts –
50 algemeen

Richard & Poppie Heyman –
300 streek

Nogmaals dankie aan die wat die kamp bygewoon het. Dit is altyd lekker om so nabystaan die see te kan kamp. Aan almal n geseënde kersfees en n voorspoedige nuwe jaar. Sien julle op Summerwood!

Groete

Liana Labuschagne

*Someday everything will make perfect sense.
So, for now, laugh at the confusion, smile through the tears and keep reminding yourself that everything happens for a reason.*

Prayer



Lord, it's me. We are getting older and things are getting... bad here. Gas prices are too high, no jobs, and food and heating costs too high.

I know some have taken you out of our schools, government and even Christmas, but Lord, I'm asking you to come back and re-bless South Africa. We really need you!
There are more of us who want you than those who don't!



Thank You Lord, I Love You.

"Life without God is like an unsharpened pencil - it has no point."
(Ingestuur deur Richard Heyman)

Sawa se Dankie...

Gustav Nel en Johan van Vuuren het die bestuur bedank vir die geskenkies (koffiebekers) en ondersteuning wat aan die matrieks gegee is gedurende hulle eindeksamen. Dit beteken vir hulle baie.

Liefdeshoekie





Advertensieblad

Indien u belangstel om u besigheid of enige ander advertensie hier te wil plaas kontak my gerus.

Die kostes vir die advertensie is R150 vir 'n halwe blad en R300 vir 'n volblad wat dan ongeveer 6 uitgawes is. Daar sal geen groter advertensies aanvaar kan word nie, en slegs een advertensie per maatskappy.

Advertensie tydperk strek vanaf AJV tot AJV of 'n gedeelte daarvan.

Alle gelde moet asb. by die Penningmeester (Tessa Bessinger) inbetaal word alvorens u advertensie geplaas kan word.

Email: ischke@yahoo.com

Sel no: 072 800 8723

Nuwe Lede


| | | |
|--|--|--|
| | <p>Gerhard, Pauline, Thyssie & Anton Human</p> | <p>Christelle, Martin & Lynique Deyzel</p> |
| <p>1. Wanneer het julle by SAWA aangesluit en hoe het julle van hulle gehoor?</p> | <p>Aangesluit in September 2014. Ons vriende (die Mombergs) behoort aan SAWA.</p> | <p>Aangesluit in September 2010 by SAWA Strelitzia. Gehoor by Marcelle en Anneke Moore</p> |
| <p>2. Hoeveel kampe het julle al saam met SAWA gekamp en watter posisies het julle beklee?</p> | <p>Drie kampe bygewoon. Geen posisies beklee nie.</p> | <p>Negentien kampe saam gekamp. Was sekretaresse van SAWA Strelitzia 2011-2012</p> |
| <p>3. Het julle aan enige ander kampeergroepe behoort?</p> | <p>Geen</p> | <p>SAWA Strelitzia</p> |
| <p>4. Kampgeleenthed wat julle altyd sal onthou?</p> | <p>Canon Rocks – Maart 2014</p> | <p>Ischke & Martin met die rooiwyn, brandewyn wedenskap! (Van Stadens 2011). Asook die volk se kinders wat ons op die quadbikes vermaak het by Highbrae (Mei 2011)</p> |
| <p>5. Kampgeleenthed wat julle liewers wil vergeet?</p> | <p>Geen</p> | <p>Addo Winston (Augustus 2012) – Kragprobleme en ons is besteel.</p> |
| <p>6. Wat moet altyd saamgaan as julle kamp?</p> | <p>Genoeg hout vir lekker gesellige kuiers rondom die vuur.</p> | <p>Karavaan, SAWA sangbundel, kos, "hoesstroop" en klere</p> |
| <p>7. Wat moet eerder by die huis bly tydens 'n kamp?</p> | <p>Selfoon & horlosie</p> | <p>Werk</p> |
| <p>8. Gunsteling kampplek/oord en hoekom?</p> | <p>Willows – dit is lekker by die see en daar is baie vir die kinders om te doen</p> | <p>Pine lodge want dit is veilig vir die kinders en die klaadkamers is baie netjies.</p> |
| <p>9. By watter kampplek/oord sal julle nie meer gaan kamp nie?</p> | <p>Jeffreysbaai</p> | <p>Winston Addo</p> |
| <p>10. Is daar 'n plek waar julle nog nie gekamp het nie en wat julle graag sal wil besoek?</p> | <p>Keurbooms Plettenberg Baai</p> | <p>Pearsons Park Sondagsrivier</p> |

Die ander nuwe lede is JG & Denise le Roux, Ds Rudi & Natasja van Tonder en Jacques & Patrys Anker. Meer oor hulle in die volgende uitgawe. Ek vra groot omverskoning vir Jacques & Patrys wie se vorms ek per ongeluk saam met die kalenders afgegee het om te bind (blond moment!).



Rautie's Desember vakansie 2014.

Ons was so bevoorreg om vir 3 weke vakansie te kon geniet in Hartenbos. Familie tyd – SAWA vriende en familie. Altyd 'n fees en ons voel beslis "BLESSED". Hier is n paar foto's.



Pixiz

Voorspoedige 2015 vir al ons SAWA vriende.

Rautie's



Lede Indeling

| | | |
|--|--|---|
| <u>JOHAN STEYNBERG</u> Stienie Grobler Flippie & Amanda Kapp Theo & Mariana Pozyn Stan & Marguerite Vermeulen | Willie & Martie Gummow Gerhard & Leonora Moggee Anton & Dina Claassen Pierre & Shannett Greyling Anton & Rozelle van Mollendorff | Christo & Dianne Jonker Gary & Juliana Oelofse Elria Stanford Elmar & Elsabe Steyn |
| <u>RICHARD HEYMAN</u> Werner & Charmaine Barnard Tertuis & Latella du Toit Reitz & Sussie Kruger Paul & Juanita van Aardt Frank & Kristie Fourie | Johan & Jakkie Barnardo Casper & Philna Jerling Charl & Lynette Potgieter Johan & Petro Slabbert | Morne & Ruth Basson Anton & Karin Knoetze Jaco & Elsabe Le Roux Ben & Marie Weitz |
| <u>LIANA LABUSCHAGNE</u> Kenneth & Lizelle Bothma Eddie & Tania Deysel Johan & Sannie Williams Peter & Leonie van Rensburg Marius & Beata van Rensburg | Gerhard & Michelle Bosch Adriaan & Christa Viviers Naas & Corne Terblanche Theo & Susan van Brouwershaven | George & Karin Brand Dwayne & Anneke Lerm Gato & Estelle Ferreira Ds Rudi & Natasja van Tonder |
| <u>ANDY WAIT</u> Willie & Jackie Conradie Gert & Luzie Scheepers Pieter & Bettie Venter Malcolm & Sandra Wait | Johan & Gesina Vermaak Piet Kapp Danie & Maretha Zeelie | Cecile Meyer Wouter & Alna Steenkamp Leon & Liz von Waltzleben |
| <u>KAREN RAUTENBACH</u> Gerrie & Isabella Bezuidenhout Hansie & Elna Jonck Tjaart & Nelia Snyman Mario & Michele van der Westhuizen | Jacques & Patrys Anker Sakkie & Alida Kinghorn Jan & Tanya Hugo Kobus & Lorenda van Eeden | Goofey & Elmarie Fouche Eddie & Rentia Nance Elsabe Pattinson Louwtjie & Erika Heunis |
| <u>TESSA BESSINGER</u> Bossie & Ronnie Boshoff Gerrie & Vanessa Rens Johan & Kobie Rossouw Kallie & Denise Kaltenbrunn | Barend & Lenie Swanepoel Leon & Marina Renierse Gerrie & Lorna van Rooyen Grant & Sonnette Willett | Cynthia Didloff Tobie & Judie Botha Shaun & Madelyn Victor Andre & Marietjie Venter |
| <u>ZELDRI STRYDOM</u> Tinus & Eurika Claesen Pieter & Elise du Preez Gerhard & Annemarie Momberg Chris & Adele Bezuidenhout | Duppie & Emsé du Plessis Arno & Adele Engelbrecht Markus & Riana Pottas Gerhard & Pauline Human | Chris & Magda Coertze Ferdie & Betsie du Toit Susan Smith Gustav & Janine Nel |
| <u>ZELDA SWANEPOEL</u> Andre & Jennifer Barnard Tommie & Rene Hall Andre & Rika Muller Mario & Vicky Weitz Eric & Wilna Noack | Christo & Michele Blignaut Ettienne & Marohessa du Preez Sieg & Charlene Slabbert Anton & Theresa Wilemse | Ettienne & Zunel Fourie JG en Denise Le Roux Eben Weitz Louis & Rene Botha |
| <u>STEVE LAMBRECHTS</u> Jacques & Salome Botha Benji & Yvette Erasmus Johan & Sandra Fourie Ettiene & Michelle Smit | Auret & Annelie Morton Martin & Christelle Deyzel Theo & Moniques Buchner Jacques & Jacqueline Whittle | Pierre & Wilma Stander Warren & Janine Nance Johan & Wanda van Vuuren Werner & Lizelle Visser |



Verjaarsdae



| <u>DESEMBER</u> | | <u>JANUARIE</u> | | <u>FEBRUARIE</u> | | <u>MAART</u> | |
|-----------------|----------------------|-----------------|---------------------|------------------|---------------------------|--------------|---------------------------|
| 2 | Eddie Deyzel | 2 | Theo Buchner | 2 | Barend Swanepoel | 1 | *Cassandra Jerling |
| 2 | Warren Nance | 2 | *Johann Slabbert | 2 | Vicky Weitz | 2 | Adele Bezuidenhout |
| 2 | *Juan Whittle | 3 | Andre Barnard | 3 | Wanda van Vuuren | 3 | *Beneta Weitz |
| 3 | Theresa Willemse | 3 | *Carlo du Toit | 3 | *Anton Claasen | 4 | Gerhard Moggee |
| 4 | Anton Claasen | 3 | Pierre Stander | 3 | *Inke Kaltenbrunn | 4 | Bets du Toit |
| 4 | Pauline Human | 4 | Natasja van Tonder | 5 | *Edmar du Preez | 8 | *Mia Janse van Rensburg |
| 5 | Johann v Vuuren | 5 | Wlma Stander | 7 | Ronnie Boshoff | 9 | Philina Jerling |
| | | | | | | 9 | Gerhard Momberg |
| 17 | Steve Lambrechts | 8 | Johan v Jaarsveld | 11 | Arno Engelbrecht | 11 | Susan van Brouwershaven |
| 18 | Karen Knoetze | 12 | Danie van Eck | 11 | Piet Kapp | 11 | Christa Viviers |
| 19 | Elmar Steyn | 14 | Pierre Greyling | 11 | Denise le Roux | 12 | Morne Joubert |
| 19 | *Amy-Lee Viviers | 15 | *Mieke Stander | 12 | Moniques Buchner | 13 | Rozelle van Molendorff |
| 20 | Kallie Kaltenbrunn | 17 | Eddie Nance | 12 | Ferdi du Toit | 14 | Claude Janse van Rensburg |
| 21 | Werner Visser | 17 | *Bianca Kaltenbrunn | 12 | Chris Jonker | 18 | Magda Coertze |
| 26 | Louis Botha | 17 | Denise Kaltenbrunn | 16 | Anton Willemse | 21 | Johan Rautenbach |
| 27 | Poppie Heyman | 20 | Cynthia Didloff | 20 | Gato Ferreira | 22 | Adele Engelbrecht |
| 27 | Anton Knoetze | 20 | Johan Fourie | 21 | *Chloe Janse van Rensburg | 23 | *Divan Visser |
| 27 | Mario v d Westhuizen | 20 | Zelda Swanepoel | 22 | Sandra Fourie | 24 | *Christiaan van Tonder |
| 28 | *Ruan vd Westhuizen | 22 | Willie Gummow | 22 | Tjaart Snyman | 25 | *Anja du Preez |
| 28 | *Dore Weitz | 22 | Marie Weitz | 26 | Ben Weitz | 27 | Christelle Deyzel |
| 30 | Ettienne Fourie | 22 | Rene Botha | 27 | Mario Weitz | 27 | *Corne Crous |
| 31 | Mariana Pozyn | 26 | Leoni van Rensburg | | | 29 | Jacques Strydom |
| | | 26 | Juliana Oelofse | | | 29 | Anton van Molendorff |
| | | 26 | JG le Roux | | | 31 | Lynette Potgieter |
| | | 26 | *Anslee le Roux | | | | |
| | | 27 | Elmarie Fouche | | | | |
| | | 28 | Susan Smith | | | | |
| | | 29 | Juanita van Aardt | | | | |
| | | 29 | *Lize Strydom | | | | |
| | | 30 | *Ilze Jonker | | | | |

Ek het maar Desember se verjaarsdae ook ingesit omdat dit nie in die vorige wapad was nie.



JAARPROGRAM : 2014 / 2015

SAWA Oos-Kaap

**(7 VAN DIE 9 STREEK SAAMTREKKE TEL VIR 100% BYWONING)

**(SB – SENIOR BURG SAAMTREKKE)



| MAAND | DATUM | KAMP | OORD | 100% | KAMPL. |
|-----------|--------------|----------------|---------------------|------|---------------|
| AUGUSTUS | 15 – 17 | AJV SB | VAN STADENS | 1 | Bestuur |
| SEPTEMBER | 5 – 7 | Bestuurskamp | PINE LODGE | | Johan S |
| SEPTEMBER | 12 - 14 | <i>KONGRES</i> | | | |
| SEPTEMBEr | 19 – 21 | Streek | BOS/GAMTOOS | 2 | Jan/Richard |
| OKTOBER | 24 – 26 | Streek | WILLOWS | 3 | Tessa |
| OKT/NOV | 31/10 – 2/11 | <i>NUB</i> | | | |
| NOVEMBER | 14 – 16 | Streek SB | VAN STADENS | 4 | Zeldri |
| DESEMBER | 5 – 7 | Streek | MANGOLDSPOOL | | Liana |
| JANUARIE | (12)16 – 18 | Streek | SUMMERWOOD | 5 | Zelda |
| FEBRUARIE | 9 – 11 | <i>NUB</i> | | | |
| FEBRUARIE | 13 – 15 | Streek SB | WILLOWS | 6 | Johan |
| MAART | 6 – 8 | 100+ | VAN STADENS | | |
| MAART | 20 - 22 | Streek | GAMTOOS | 7 | Karen |
| APRIL | 3 – 6 | Streek | PAASNAWEEK | | Richard/Liana |
| APRIL | 24 - 27 | Gebiedskamp | KEURBOOMS | | |
| MEI | 8 – 10 | <i>NUB</i> | | | |
| MEI | 15 – 17 | Streek | GEHEIM | 8 | Zelda |
| JUNIE | 12 – 14 | Streek | PEARSONPARK | 9 | Steve |
| JULIE | 4 - 12 | Streek | WINTERTOER (GEHEIM) | | Tjaart |
| JULIE | 17 – 19 | Streek | SITRUSOEWER / ADDO | | Richard/Johan |
| AUG/SEPT | 31/7 – 2/8 | <i>NUB</i> | | | |
| AUGUSTUS | 7 – 10 | AJV SB | WILLOWS | 1 | Bestuur |
| SEPTEMBER | 4 – 6 | Bestuurskamp | PINE LODGE | | Voorsitter |
| SEPTEMBER | 11 – 13 | Streek | BOS / GAMTOOS | 2 | Zelda/ |
| OKTOBER | 16 – 18 | <i>KONGRES</i> | | | |
| OKTOBER | 23 – 25 | Mini-Gebied SB | VAN STADENS | 3 | |
| NOVEMBER | 6 – 8 | <i>NUB</i> | | | |
| NOVEMBER | 20 - 22 | Streek | MANGOLDSPOOL | | |
| DESEMBER | 4 – 6 | Streek SB | WILLOWS | 4 | |



SAWA streef daarna om



Vir Afrikaans-georiënteerde kampeerders die geleenthed te bied om binne 'n Christelike konteks, 'n tuiste te bied waar hulle hul beginsels en kultuur kan uitleef.

- Vir kampeerders die geleenthede te bied om saam met geesgenote so bekostigbaar as moontlik te kampeer.
- Die belang van SAWA-lede te bevorder deur onderhandeling en samewerking met ander instansies.
- Die balans tussen die belang van die mens en die natuur te handhaaf.
- In alles die hand van die Skepper te sien en Hom daarvoor te huldig.

SAWA onderskryf die volgende waardes:

Christenskap
Lojaliteit
Respek
Integriteit
Eerlikheid
Diensbaarheid
Verdraagsaamheid

Uit die SAWA Webblad